



SLUŽBENI GLASNIK

OPĆINE BUŽIM

Godina XXI - Broj 7	13. 06. 2016 BUŽIM	Izdanje na bosanskom jeziku
---------------------	-----------------------	--------------------------------

106.

Na osnovu člana 13. Zakona o principima lokalne samouprave u Federaciji BiH („Službene novine Federacije BiH”, broj 49/06.), člana 24. tačka 2. Statuta općine Bužim («Službeni glasnik općine Bužim», broj:12/15), te člana 222. Poslovnika o radu Općinskog vijeća općine Bužim («Službeni glasnik općine Bužim», broj:3/16), Općinsko vijeće općine Bužim, na prijedlog Komisije za Statut i propise, na svojoj 39. redovnoj sjednici održanoj 30.05.2016. godine i 01.06.2016.godine, **usvojilo je:**

K O D E K S

ponašanja vijećnika u Općinskom vijeću općine Bužim

I OPĆE ODREDBE

Član 1.

Cilj Kodeksa

Kodeksom ponašanja vijećnika u Općinskom vijeću Bužim (u daljem tekstu: Kodeks) utvrđuju se etička načela i principi ponašanja kojih treba da se

-AC

pridržavaju vijećnici u Općinskom vijeću Bužim pri obavljanju svojih dužnosti.

Ovim Kodeksom se također građani upoznaju o standardima ponašanja koja s pravom mogu očekivati od izabranih vijećnika.

Član 2.

Svrha Kodeksa

Svrha Kodeksa je da se sa njegovim prihvatanjem i dosljednom primjenom uspostavi nivo korektnog odnosa i kulture dijaloga, a u cilju promovisanja sveukupnog ugleda Općinskog vijeća i Općine Bužim.

Član 3.

Područje primjene

Ovaj se Kodeks odnosi na vijećnike Općinskog vijeća općine Bužim i članove radnih tijela općinskog vijeća.

Principi ponašanja ustanovljeni ovim Kodeksom, primjenjivat će se na sjednicama Općinskog vijeća Bužim, sjednicama njegovih radnih tijela, kao i u drugim prilikama koje tretira ovaj Kodeks.

II STANDARDI PONAŠANJA VIJEĆNIKA

Član 4.

Primat zakona i općeg interesa

Vijećnici su dužni da obavljaju svoju funkciju u skladu sa Ustavom, Zakonom i važećim propisima.

Vijećnici će u svom djelovanju uvijek postupati u skladu s općim interesom koji isključuje rad za finansijsku dobit ili bilo koju direktnu ili indirektnu novčanu korist za sebe ili lica iz svog privatnog okruženja, izuzev naknada za svoj rad utvrđenih odlukama Vijeća ili zaključcima radnog tijela Vijeća.

Vijećnici će se posebno suzdržavati od svih aktivnosti koje bi trebalo da rezultiraju izborom, imenovanjem ili postavljanjem lica na određene pozicije, a da se pri tome ne sprovedu propisi, ne obezbijedi postupak otvorene javne konkurencije,

nezavisne provjere i poštovanja principa kvaliteta, profesionalnosti, znanja i sposobnosti.

Član 5.

Savjesnost i odgovornost u obavljanja funkcije vijećnika

Vijećnici će svoju funkciju obavljati savjesno, uz otvorenost i spremnost da odgovaraju za svoje odluke, imajući na umu da su izabrani predstavnici svih građana u općini Bužim.

Na sjednicama Općinskog vijeća općine Bužim i njegovih radnih tijela, vijećnici će se u svemu pridržavati odredbi Poslovnika Općinskog vijeća općine Bužim, odnosno poslovnika radnog tijela (komisije ili drugog radnog tijela).

Poštujući propisane obaveze, vijećnici su dužni prisustvovati sjednicama Općinskog vijeća i radnih tijela čiji su članovi. Vijećnici neće napuštati zasjedanje prije završetka a ni tokom trajanja sjednice, a da prije toga ne saopće javno ili predsjedavajućem razlog povremenog ili potpunog napuštanja zasjedanja. Ako su opravdanim razlogom spriječeni da prisustvuju sastancima ili sjednicama na koje su uredno i blagovremeno pozvani, predsjedavajućem će saopćiti te razloge, a on će Vijeće, tijelo i forum obavijestiti o razlogu izostanka pozvanog vijećnika.

Vijećnici neće bez opravdanog razloga izostajati s javnih manifestacija ili javnih skupova na koje su uredno i blagovremeno pozvani u svojstvu izabranog predstavnika.

Član 6.

Izborna kampanja

Vijećnici kao kandidati u toku izborne kampanje, težit će da glasove birača pridobiju poštenim i argumentovanim istupom, suzdržavajući se od uvrijedljivog riječnika i klevete, podsticanja i korištenja prijetnji i nasilja.

Član 7.

Zabrana korupcije

Vijećnici će se u obavljanju svoje funkcije suzdržavati od bilo kakvog ponašanja koje bi, po važećem domaćem ili međunarodnom krivičnom zakonodavstvu, moglo da se okarakterizira kao aktivno ili pasivno podmičivanje.

Član 8.

Donošenje odluka

Odluka vijećnika, u vršenju dužnosti zasnivat će se na zakonitosti, objektivnosti, odgovornosti, i saglasnosti sa općim interesom, uz spremnost na odgovornost za svoje odluke.

Član 9.

Uzajamno poštovanje i uvažavanje

U međusobnoj komunikaciji i uopće komunikaciji sa javnošću, izabrani predstavnici – vijećnici će u svakom slučaju, uključujući sjednice Vijeća i njegovih radnih tijela, istupati s uvažavanjem i poštovanjem, izbjegavajući korištenje izraza koji mogu omalovažavati druge ličnosti ili grupe, na taj način poštujući jednaka prava svih uz uvažavanje njihove ličnosti i uvjerenja.

Član 10.

Izbjegavanje sukoba interesa

Vijećnici su dužni pridržavati se odredaba Zakona o sukobu interesa i drugih zakona koji uređuju nespojivost funkcija izabranog predstavnika sa funkcijom ili položajem u lokalnoj upravi, državnom organu ili preduzećima. Svaki slučaj nastupanja sukoba interesa ili nespojivosti funkcija, izabrani predstavnik – vijećnik će u najkraćem roku prijaviti i odstupiti s pozicije.

Vijećnik će u svakom slučaju tokom vijećanja prijaviti slučaj sukoba interesa, ako se razmatra određeni akt koji treba da bude usvojen i po kome bi on, ili lice iz njegovog privatnog okruženja, ili pravni subjekt u kome ima finansijski ili drugi interes, trebalo da ostvari kakvu korist ili privilegiju protivno Zakonu o sukobu interesa, a prilikom odlučivanja će se izuzeti od izjašnjavanja.

Član 11.

(Finansijska disciplina)

Vijećnici će se pridržavati budžetske i finansijske discipline koja obezbjeđuje ispravno upravljanje javnim sredstvima, na način regulisan važećim zakonodavstvom.

Član 12.

Odnos prema općinskoj upravi

U obavljanju svojih dužnosti vijećnici će uvažavati prava i ovlaštenja državnih službenika i namještenika.

Vijećnici neće zahtjevati od uposlenih u Općinskoj upravi da preuzmu ili da propuste da preuzmu bilo kakve radnje, kako bi na taj način sebi ili drugom pribavili direktnu ili indirektnu korist.

Član 13.

Odnos s medijima

U medijskim nastupima, vijećnici će pružiti sve potrebne informacije vezane za obavljanje njihovih dužnosti, izbjegavajući pri tom obmanjivanje i manipulaciju.

Prilikom davanja informacija medijima, vijećnici će se rukovoditi usvojenim stavovima Općinskog vijeća i radnih tijela u čijem radu su učestvovali, a u slučaju neslaganja mogu javnost upoznati i o vlastitom stavu u vezi sa nekim aktuelnim pitanjem.

Vijećnici neće medijima davati povjerljive informacije, niti informacije koje se odnose na privatni život izabranih vijećnika i drugih lica.

Vijećnici će podsticati i promovisati svaku mjeru kojom se povećava otvorenost prema javnosti.

Član 14.

Zakonitost i poštenje u iznošenju informacija

Prema zahtjevima medija će pošteno i u potpunosti pružati informacije vezane za

obavljanje njihovih dužnosti i neće pružiti nijednu informaciju, koja predstavlja službenu, državnu ili vojnu tajnu ili informaciju protivno odredbama Zakona o zaštiti ličnih podataka

Član 15.

Odnos prema građanima

Vijećnici će djelovati isključivo u korist svih građana uključujući i one koji im nisu povjeroili svoj glas.

U službenoj i privatnoj komunikaciji sa građanima vijećnici će se strpljivo, pristojno i ljubazno ponašati.

Član 16.

Ponašanje na sjednicama

Vijećnici će poštovati sve standarde koje propiše Općinsko vijeće. Svojim ponašanjem vijećnici će uvijek štiti ugled Općinskog vijeća.

Vijećnici su dužni naročito:

- a) redovno prisustvovati sjednicama Općinskog vijeća i radnih tijela Vijeća. Odsustvo sa sjednice dopušteno je samo u opravdanim situacijama,
- b) poštivati zakazano vrijeme sjednice, a u slučaju kašnjenja dužni su ulaziti u salu na način da ne ometaju rad sjednice,
- c) da ne napuštaju sjednicu bez saglasnosti predsjedavajućeg Općinskog vijeća,
- d) da ne prekidaju govornika obraćanjem sa mjesta na kojem sjede,
- e) da, u radu Vijeća, ne iskazuju pristrasnost prema određenoj političkoj ideologiji, rasi, vjeroispovjesti, naciji, spolu,
- f) da u svojim obraćanjima, kao i prilikom donošenja odgovarajućih odluka ne favorizuju treća lica, grupacije i pojedince kao i lične interese,
- g) da, u svojim obraćanjima, ne koriste izraze i riječi koje vrijeđaju ili omalovažavaju drugoga i

ljudsko dostojanstvo i narušavaju ugled Općine i Općinskog vijeća, te potiču na mržnju i nasilje,

h) da ne razgovaraju međusobno, osim ako je to neophodno, pod uslovom da ne ometaju tok sjednice,

i) da, u toku sjednice, ne čitaju materijale koji nisu vezani za rad sjednice

j) da, u toku sjednice, ne stoje ili neprimjereno sjede u Sali,

k) da ne koriste mobitele na način da se ometa tok sjednice,

l) da prikladno i uredno odjeveni dolaze na sjednice vijeća.

Predsjedavajući Vijeća ne smije dopustiti da vijećnik ili drugi učesnik na sjednici govori prije nego što dobije riječ, te je dužan upozorenjem ili oduzimanjem riječi zaštititi dignitet vijećnika od strane učesnika na sjednici, koji prilikom govora koriste izraze i riječi koje vrijeđaju ili omalovažavaju ličnost i dostojanstvo vijećnika.

Odredbe Kodeksa iz stava 2. ovog člana dužni su poštovati i predsjednici, zamjenici predsjednika i članovi radnih tijela Općinskog vijeća na sjednicama radnih tijela.

Općinski načelnik je obavezan preduzeti mjere prema pomoćnicima i drugim državnim službenicima koji se neprimjereno ponašaju na sjednicama Općinskog vijeća, izlaze za govornicu bez dozvole predsjedavajućeg Vijeća, prilikom govora vrijeđaju ili omalovažavaju ličnost i dostojanstvo vijećnika, ili na drugi neprimjeren način ometaju red na sjednici.

III - NADLEŽNO RADNO TIJELO

Član 17.

Etički odbor

Za provođenje Kodeksa i izricanje sankcija iz odredaba propisanih Kodeksom nadležan je Etički odbor, kao stalno radno tijelo Općinskog vijeća.

Etički odbor ima predsjednika, zamjenika predsjednika i tri člana .

Etički odbor donosi Poslovnik kojim uređuje sva pitanja vezana za svoj rad.

IV - PROCEDURA PO PRIJAVI

Član 18.

Povreda odredaba Kodeksa

Prijavu zbog povreda odredaba Kodeksa mogu podnijeti svi vijećnici Općinskog vijeća, predsjednici Klubova vijećnika, Kolegij vijeća, Općinski načelnik, zaposlena lica u Općini kao i svi građani.

Prijava se podnosi u pismenom obliku Etičkom odboru koji je dužan u roku od 30 dana da razmotriti prijavu, zauzme stav po istoj i eventualno izrekne sankciju.

Prijava mora biti potpisana i uz istu podnosilac navodi i dokaze.

Anonimne prijave se neće razmatrati.

Član 19.

Sjednice

Etički odbor održava sjednice po potrebi, ukoliko je bilo kršenja odredaba Kodeksa na sjednicama ili u slučaju da je podnesena prijava po kojoj je neophodno postupiti.

Etički odbor može i po službenoj dužnosti pokrenuti i voditi postupak protiv vijećnika ukoliko ima saznanja i raspolaže dokazima o učinjenoj povredi Kodeksa, a niko od ovlaštenih lica nije podnio prijavu.

Član 20.

Odlučivanje

Odluka Etičkog odbora kojom se izriče sankcija donosi se u pismenoj formi sa obrazloženjem.

Izrečene sankcije su konačne i o istim se izvještava Općinsko vijeće.

V - SANKCIJE ZA KRŠENJE KODEKSA

Član 21.

Sankcije

(1) Za kršenje odredaba Kodeksa mogu se izreći sljedeće sankcije:

- a) osuda ponašanja,
- b) pismena opomena,
- c) javna opomena

Član 22.

Ostale mjere

Uz izrečene sankcije obavezno se izriče i mjera jednomjesečnog umanjenja vijećničkog paušala kako slijedi:

a) uz osudu ponašanja10% vijećničkog paušala,

b) uz pismenu opomenu 20% vijećničkog paušala i

c) uz javnu opomenu 30% vijećničkog paušala.

Mjera jednomjesečnog umanjenja vijećničkog paušala koja se izriče uz propisane sankcije izvršava se obustavljanjem procenta prilikom isplate mjesečnog paušala od strane nadležne općinske službe Općine Bužim.

Ukoliko je vijećnik nosilac funkcije u Općinskom vijeću i ne prima vijećnički paušal, već platu i položajni dodatak, visina iznosa koja se umanjuje od vijećničkog paušala, u slučaju izricanja sankcije će se obustaviti od sredstava koja prima na ime plate i položajnog dodatka.

Član 23.

Osuda ponašanja

Osuda ponašanja izriče se za lakše oblike kršenja odredaba Kodeksa.

Lakši oblici kršenja odredaba Kodeksa su: narušavanje reda na sjednicama Općinskog vijeća i radnih tijela Vijeća na način kako je navedeno u članu 16. stav (2) tačke b), e), h) i), j), k) i l) i članu 16. stav (3).

Član 24.

Pismena opomena

Pismena opomena izriče se za teže oblike kršenja odredaba Kodeksa.

Teži oblici kršenja odredaba Kodeksa su:

a) nepoštivanje odredaba člana 16. stav (2). tačka a), c) i d),

b) neprimjereno ponašanje u izbornoj kampanji iz člana 6. Kodeksa etike (korištenje uvredljivog riječnika i klevete)

c) obmanjivanje i manipulacija građanima u medijskim nastupima član 13. Kodeksa.

d) nestrpljivo, nepristajno i neljubazno ponašanje prema građanima u službenoj i privatnoj komunikaciji član 15. stav 2 Kodeksa.

Član 25.

Javna opomena

Javna opomena izriče se za najteže oblike kršenja odredaba Kodeksa.

Najteži oblici kršenja odredaba ovog Kodeksa su:

a) obavljanje povjerenih dužnosti na način kojim se krše odredbe člana 7. Kodeksa,

b) neprimjereno ponašanje u izbornoj kampanji iz člana 6. Kodeksa etike (korištenje prijetnji i nasilja),

c) neobjelodanjivanje privatnog interesa prilikom razmatranja određenog pitanja na sjednici Općinskog vijeća i glasanje po pitanju u kojem se ima privatni interes (član 4. Kodeksa),

d) narušavanje reda na sjednicama Općinskog vijeća i radnih tijela Općinskog vijeća, na način

kako je utvrđeno u članu 16. stav 2. tačka f) i g) Kodeksa),

e) zahtijevanje od zaposlenih u općinskoj upravi da preduzimaju ili da propuste da preduzmu bilo kakve radnje kako bi na taj način sebi ili drugima pribavili direktnu ili indirektnu korist (član 12. stav 2. Kodeksa),

f) Odavanje povjerljivih informacija i informacija koje se odnose na privatni život izabranih vijećnika i drugih lica (član 13. stav 3. Kodeksa)

Javna opomena se javno objavljuje na sjednici Općinskog vijeća, a objaviće se i na web stranici Općine Bužim u trajanju od 30 dana.

VI - ZAVRŠNE ODREDBE

Član 26.

Vijećnici će se upoznati sa sadržajem ovog Kodeksa, te njegovim principima sa izjavom da ih prihvataju i podržavaju.

Obaveza Vijeća je da svojom aktivnošću osigura u javnosti promociju ovog Kodeksa.

Ovaj Kodeks stupa na snagu osmog dana od dana objavljivanja u "Službenom glasniku Općine Bužim".

Broj: 01-05-1691/16

PREDSJEDAVALAČI

Bužim, 01.06.2016

OPĆINSKOG VIJEĆA

Safet Ljubijankić, s.r.

107.

Na osnovu člana 24. Statuta općine Bužim (»Sl. glasnik općine Bužim«, br.12/15), člana 37. Odluke o izvršavanju budžeta općine Bužim za 2016. godinu, („Službeni glasnik općine Bužim“, broj: 4/16), te člana 114. Poslovnika o radu Općinskog vijeća općine Bužim („Službeni glasnik